

史記索隱序

朝散大夫國子博士弘文館學士河內司馬貞撰



史記者漢太史司馬遷父子之所述也遷自以承五百之運繼春秋而纂是史其褒貶覈實頗亞於丘明之書於是上始軒轅下訖天漢作十二本紀十表八書三十系家七十列傳凡一百三十篇始變左氏之體而年載悠邈簡冊闕遺勤勩成一家其勤至矣又其屬稿

先據左氏國語系本戰國策楚漢春秋及諸
子百家之書而後貫穿經傳馳騁古今錯綜
鑷括各使成一國一家之事故其意難究詳
矣比於班書微為古質故漢晉名賢未知見
重所以魏文侯聽古樂則唯恐卧良有以也
逮至晉末有中散大夫東莞徐廣始考異同
作音義十三卷宋外兵參軍裴駰又取經傳
訓釋作集解合為八十卷雖粗見微意而未

窮討論南齊輕車錄事鄒誕生亦作音義三
卷音則微殊義乃更略爾後其學中廢貞觀
中諫議大夫崇賢館學士劉伯莊達學宏才
鉤深探賾又作音義二十卷比於徐鄒音則
具矣殘文錯節異音微義雖知獨善不見傍
通欲使後人從何準的真謾聞陋識頗事鑽
研而家傳是書不敢失墜初欲改更舛錯裨
補疎遺義有未通兼重註述然以此書殘缺

雖多實為古史忽加穿鑿難允物情今止探
求異聞採摭典故解其所未解申其所未申
者釋文演註又為述贊凡三十卷號曰史記
索隱雖未敢藏之書府亦欲以貽厥孫謀云

史記索隱序

史記索隱後序

夫太史公紀事上始軒轅下訖天漢雖博采
古文及傳記諸子其間殘缺蓋多或訪搜異
聞以成其說然其好奇而詞省故事覈而文
微是以後之學者多所未究其班氏之書成
於後漢彪既依遷而述所以條流更明且又
兼采眾賢群理畢備故其旨富其詞文是以
近代諸儒共所鑽仰其訓詁蓋亦多門蔡謨

集解之時已有二十四家之說所以於文無所滯於理無所遺而太史公之書既上序軒黃中述戰國或得之於名山壞宅或取之以舊俗風謠故其殘文斷句難究詳矣然古今為註解者絕省音義亦希始後漢延篤乃有音義一卷又別有音隱五卷不記作者何人近代鮮有二家之本宋中散大夫徐廣作音義一十卷唯記諸本異同於義少有解釋又

神約三九帝字叔敬

中兵郎裴駙亦名家之子也作集解註本合為八十卷見行於代仍云亦有音義前代久已散亡南齊輕車錄事鄒誕生亦撰音義三卷音則尚奇義則罕說隋祕書監柳顧言尤善此史劉伯莊云其先人曾從彼公受業或音解隨而記錄凡三十卷隋季喪亂遂失此書伯莊以貞觀之初奉勅於弘文館講授遂采鄒徐二說兼記憶柳公音旨遂作音義三

顏師古、評林
作詠子傷、

十卷音乃周備義則更略惜哉古史微文遂
由數賢祕寶故其學殆絕次下九千九百前朝顏師古前朝吏部侍郎顏
師古亦作註義不覩其書崇文館學士張嘉
會獨善此書而無註義真少從張學晚更研
尋初以殘缺處多無鄙褚步孫誣譌因憤發
而補史記遂兼註之然其功殆半乃自唯曰
千載古史良難紬繹於是更撰音義重作贊
述蓋欲以剖盤根之錯節連北轅於司南也

凡為三十卷號曰史記索隱云

史記索隱後序終



項籍本紀第七

索隱曰項羽掘起爭雄一朝假虎西楚
竟未踐天子之位而身首別離斯亦不
可稱本紀宜
降為世家

項籍者下相人也

地理志臨淮有下相縣○
索隱曰縣名屬臨淮案應

劭云相水名出沛國沛國有相縣其水下流
又因置縣故名下相也○正義曰括地志云

相故城在泗州宣預縣西北七
十里秦縣項胡講反籍秦昔反字羽按序傳

籍字子羽也
初起時年二十四其季父項梁索隱

索隱云伯仲叔季兄弟之次
故叔云叔父季云季父
梁父即楚將項燕

正義曰燕為秦將王翦所戮者也始皇本紀云項燕自

殺○索隱曰此云為王翦所殺與楚漢春秋同而始皇本紀云項燕自殺不同者蓋燕為王翦所圍逼而項氏世世為楚將封於項索隱

自殺故不問也曰地理志項城縣屬汝南○正義曰括地志云今陳州項城縣城即古項子國故姓

項氏項籍少時學書不成去學劍又不成項梁怒之籍曰書足以記名姓而已劍一人敵不足學學萬人敵於是項梁乃教籍兵法籍大喜略知其意又不肯竟學項梁嘗有櫟陽

建

索隱曰按建訓及謂有罪相連及為櫟陽縣所建錄也故漢史制獄有逮捕○正義

曰櫟音藥乃請斬蘇林曰斬音機縣屬沛國獄掾曹咎書

抵櫟陽獄掾司馬欣以故事得已應昭曰項梁曾坐事

傳繫櫟陽獄從斬獄掾曹咎取書與司馬欣抵歸已止也韋昭曰抵至也謂梁嘗被櫟陽

縣逮捕梁乃請斬獄掾曹咎書至櫟陽獄掾司馬欣事故得止息也○索隱曰服虔云抵

歸也劉伯莊云抵相憑託也項梁殺人與籍避仇於吳中

吳中賢士大夫皆出項梁下每吳中有大繇役及喪項梁常為主辨陰以兵法部勒賓客

及子弟以是知其能秦始皇帝將會稽渡浙

江案隱曰韋昭云浙江在今錢塘浙音折晉灼音逝非也蓋其源曲折莊子所謂制何

即其水也制折聲相近梁與籍俱觀籍曰彼可取而代

也梁掩其口曰毋妄言族矣梁以此奇籍籍

長八尺餘力能扛鼎韋昭曰扛舉也○索隱曰說文云扛橫開對舉

也扛音江才氣過人雖吳中子弟皆已憚籍矣秦

二世元年七月陳涉等起大澤中索隱曰徐氏云在沛

郡縣其九月會稽守徐廣曰爾時未言大守○正義曰守音符漢書

云景帝中二年七月更郡守爲大守通謂梁曰楚漢春秋曰會稽假守殷通○

正義曰按言假者兼攝之也江西皆反此亦天亡秦之時

也吾聞先即制人後則爲人所制索隱曰謂先舉兵能

制得人後則爲人所制故荀子曰制人之與爲人制也相去遠矣吾欲發兵

使公及桓楚正義曰張晏云項羽殺宋義時桓楚爲羽使懷王將是

時桓楚亡在澤中梁曰桓楚亡人莫知其處

獨籍知之耳梁乃出誠籍持劍居外待梁復

入與守坐曰請召籍使受命召桓楚守曰諾

梁召籍八須吏梁眴籍曰可行矣於是籍遂

拔劒斬守頭項梁持守頭佩其印綬門下大

驚擾亂籍所擊殺數十百人

索隱曰此不定數也自百已下

或至八十九十

一府中皆懼伏

索隱曰說文云讐失氣也

謂音之涉反

莫敢起梁乃召故所知豪吏諭以所

為起大事遂舉吳中兵使人收下縣得精兵

八千人梁部署吳中豪傑為校尉候司馬有

一人不得用自言於梁梁曰前時某喪使公

主某事不能辦以此不任用公衆乃皆伏於

是梁為會稽守籍為裨將徇下縣

李奇曰徇略也如淳

曰徇音撫徇之徇徇其人民

廣陵人召平於是為陳王徇

廣陵

正義曰楊州

未能下

正義曰下胡嫁反以兵威服之曰下聞陳

王敗走秦兵又且至乃渡江矯陳王命

正義曰矯

紀兆反召平從廣陵渡京

拜梁為楚王上柱

國

徐廣曰二世之二年正月也駟案應劭曰上柱國上卿官若今相國也

曰江

東已定急引兵西擊秦項梁乃以八千人渡

江而西聞陳嬰已下東陽

晉灼曰東陽縣本屬臨淮郡漢明帝

分屬下邳後復分屬廣陵○索隱曰下音如字彼自崑伏曰下○正義曰括地志東陽故

城在楚州盱眙縣東秦東陽縣城也又在淮水南使使與連和俱西

陳嬰者故東陽令史

晉灼曰漢儀註曰令吏曰令史丞吏曰丞史○

正義曰楚漢春秋云東陽獄史陳嬰居縣中素信謹稱為長者

東陽少年殺其令相聚數千人欲置長無適

用乃請陳嬰嬰謝不能遂彊立嬰為長縣中

從者得二萬人少年欲立嬰便為王異軍蒼

頭特起

應劭曰蒼頭特起言與眾異也蒼頭謂士卒皂巾若赤眉青領以相別也

如淳曰魏君兵卒之號也戰國策魏有蒼頭二十萬○索隱曰晉灼曰殊異其軍為蒼頭

謂著青帽如淳云特起猶言新起也按為蒼頭軍特起欲立陳嬰為王嬰母不許嬰稱王

言天下方亂未知瞻烏所止陳嬰母謂嬰曰自我為汝家

婦未嘗聞汝先古之有貴者今暴得大名不

祥不如有所屬事成猶得封侯事敗易以亡

非世所指名也

張晏曰陳嬰母潘旌人墓在潘旌○索隱曰潘旌是邑聚

之名後為縣屬臨淮嬰乃不敢為王謂其軍吏曰項氏

世世將家有名於楚今欲舉大事將非其人不可我倚名族亡秦必矣於是衆從其言以

兵屬項梁項梁渡淮黥布蒲將軍

服虔曰英布起於蒲

地因以爲號如淳曰言當陽君蒲將軍皆屬項羽此自更有蒲將軍○索隱曰按布姓英

咎繇之後後以罪被黥故改姓黥以應相者之言韋昭云蒲姓也是英布與蒲將軍二人

共以兵屬項梁也故服虔以爲英布起蒲非也按黥布初起於江湖之間亦以兵

屬焉凡六七萬人軍下邳

正義曰被悲反下邳泗水縣也應劭

云邳在薛徒此故曰下邳按有上邳故曰下邳當是時秦嘉陳涉世家曰秦

嘉廣陵人

已立景駒爲楚王

文穎曰景駒楚族景氏駒名

軍彭

城東

正義曰括地志云徐州彭城縣古相國也言秦嘉軍於此城之東

欲距

項梁項梁謂軍吏曰陳王先首事戰不利未

聞所在今秦嘉倍陳王而立景駒逆無道乃

進兵擊秦嘉秦嘉軍敗走追之至胡陵

鄧展曰今

胡陵屬山陽漢章帝改曰胡陵

嘉還戰一日嘉死軍降景駒

走死梁地項梁已并秦嘉軍軍胡陵將引軍

而西章邯軍至栗

徐廣曰縣名在沛

項梁使別將朱

雞石餘樊君與戰餘樊君死朱雞石軍敗亡

走胡陵項梁乃引兵入薛

正義曰括地志云故薛城古薛侯國

也在徐州滕國縣界黃帝之所封

誅雞石項梁前使項羽別

攻襄城

正義曰計州襄城縣

襄城堅守不下已按皆阮

之還報項梁項梁聞陳王定死召諸別將會

薛計事此時沛公亦起沛往焉居鄴人范增

索隱曰晉灼音勦絕之勦地理志居鄴縣在廬江郡音巢是故巢國夏桀所奔荀悅漢紀

云范增年七十素居家好奇計往說項梁曰

陳勝敗固當

正義曰顧著作云固宜當應敗也當音如字

夫秦滅

六國楚最無罪自懷王入秦不反楚人憐之

至今故楚南公曰

徐廣曰楚人也善言陰陽

○正義曰虞喜志林云南公者道士識廢興之數知亡秦者必於楚漢書藝文志云南公

十三篇六國時人在陰陽家流

楚雖三戶亡秦必楚也

璣曰楚人

怨秦雖三戶猶足以亡秦也○索隱曰臣璣與蘇林解同韋昭以爲三戶楚三大姓昭屈

景也二說皆非按左氏以界楚師于三戶杜預註云今丹水縣北三戶亭則是地名不疑

○正義曰按服虔云三戶漳水津也孟康云津峽名也在鄴西三十里括地志云濁漳水

又東經葛公亭北經三戶峽為三戶津在相
州澄陽縣界然則南公辨陰陽識廢興之數
知秦亡必於三戶故出言後項羽果渡三戶
津破章邯軍降章邯秦遂亡是南公之善識
今陳勝首事不立楚後而自立其勢不長今
君起江東楚蠡起之將如淳曰蠡起猶言蠡
若牛言其多也○索隱曰凡物交橫為牛言
蜂之起交橫必聚也故劉向傳註云蜂牛雜
沓也鄭玄云一皆爭附君者以君世世楚將
為能復立楚之後也正義曰為於是項梁然
其言乃求楚懷王孫心民間為人牧羊立以

為楚懷王

徐廣曰此時二從民所望也

應劭

祖謚為號

陳嬰為楚上柱國封五縣與懷王

都盱台

鄭玄曰音煦怡○正義曰盱況于反

之項梁自號為武信君居數月引兵攻元父

正義曰元音剛又苦浪反父音甫括與齊田

榮司馬龍且

正義曰且

軍救東阿

正義曰括

阿故城在濟州東阿縣西南大破秦軍於東

阿田榮即引兵歸遂其王假假亡走楚假相

田角亡走趙角弟田間故齊將居趙不敢歸

田榮立田儋子市為齊王項梁已破東阿下

軍遂追秦軍數使使趣

正義曰下使色吏反趣音促

齊兵

欲與俱西田榮曰楚殺田假趙殺田角田間

乃殺兵項梁曰田假為與國之王

如淳曰相與交善為

與國黨與也○索隱曰高誘註戰國策云與國同福之國

窮來從我不忍

殺之趙亦不殺田角田間以市於齊

張晏曰若市買

相貿易以利也梁救榮難猶不用命梁念殺假等榮未必多出兵不如依春秋寄公待以

禮也又可以貿易也以除已害遂背德可輔假以伐齊故曰市貿易也晉灼曰假故齊王

建之弟故令楚殺之以為已利而楚保全不殺以買其計故曰市也○索隱曰韋昭云市

利於齊也劉氏亦云市猶要也齊遂不肯殺

兵助楚項梁使沛公及項羽別攻城陽

正義曰括

地志云濮州雷澤縣本漢鄆陽地理志云城陽屬齊陰郡古鄆伯姬姓之國其後遷城之

陽故曰屠之西破秦軍濮陽東

正義曰括地志云濮陽即

濮州濮陽縣古吳之國

秦兵收入濮陽沛公項羽乃攻

定陶

正義曰陶曹州城

定陶未下去西略地至譙丘

正義曰雍丘今汴州縣地理志云古相國

大破秦軍斬李由

應劭曰由

子斯

還攻外黃

正義曰括地志云故周城即外黃之地在雍丘縣東張晏

曰魏郡有內黃縣故加外縣有黃流故名

外黃未下項梁起東阿

西比至定陶再破秦軍項羽等又斬李由益

輕秦有驕色宋義乃諫項梁曰戰勝而將驕

卒惰者敗今卒少惰矣秦兵日益臣為君畏

之項梁弗聽乃使宋義使於齊道遇齊使者

高陵君顯

張晏曰顯名也高陵縣名索隱曰普灼云高陵屬琅邪

曰公

將見武信君乎曰然曰臣論武信君軍必敗

公徐行即免死疾行則及禍秦果悉起兵益

章邯擊楚軍大破之定陶項梁死沛公項羽

去外黃攻陳留陳留堅守不能下沛公項羽

相與謀曰今項梁軍破士卒恐乃與呂臣軍

俱引兵而東呂臣軍彭城東項羽軍彭城西

沛公軍碭

應劭曰碭屬梁國蘇材曰碭音唐○正義曰括地志云宋州碭山縣

是也章邯已破項梁軍則以為楚地兵不足憂

乃渡河擊趙大破之當此時趙歇為王陳餘

為將張耳為相皆走入鉅鹿城章邯令王離

涉間圍鉅鹿

張晏曰涉姓間名秦將也

章邯軍其南築甬

道而輸之粟

應劭曰恐敵抄輜重故築牆垣如街巷也

陳餘為將

將卒數萬人而軍鉅鹿之北此所謂河北之

軍也楚兵已破於定陶懷王恐從盱台之彭

城并項羽呂臣軍自將之以呂臣為司徒以

其父呂青為令尹

應劭曰天子曰師尹諸侯曰令尹時去六國尚近故

置令尹

璜曰諸侯之卿唯楚稱令尹時立楚之後故置官司皆楚舊

碭郡長

蘇林曰長如郡守也

封為武安侯將碭郡兵初

宋義所遇齊使者高陵君顯在楚軍見楚王

曰宋義論武信君之軍必敗居數日軍果敗

兵未戰而先見敗徵此可謂知兵矣王召宋

義與計事而大說之因置以為上將軍項羽

為魯公為次將范增為末將救趙諸別將皆

屬宋義號為卿子冠軍

徐廣曰卿一作慶文穎曰卿子時人相襲

尊之辭猶言公子也上將故言冠軍張晏曰
若霍去病功冠三軍因封為冠軍侯至今為

縣行至安陽留四十六日不進索隱曰傳寬

名

陽扛里則安陽扛里俱在河南顏師古以為

今相州安陽縣按此兵猶未渡河不應即至

相州安陽今檢後魏書地形志云己氏有安

陽

城改己氏為楚立今宋州楚丘西北四十

里有安陽故城是也○正義曰括地志云安

陽

縣相州所理縣七國時魏寧新中邑秦昭

王拔魏寧新中更名安陽張耳傳云章邯軍

鉅

鹿南築甬道河餉王離項羽數絕甬道王

離軍乏食項羽悉引兵渡河遂破章邯圍鉅

鹿

下又云渡河灌船持三日糧按從滑州白

馬津齋三日糧不至邢州明此渡河相州漳

河也

宋義遣其子襄相齊送之至無鹽即今

鄆州之東宿城是也若依顏監說在相州安

陽

縣宋義送子不可棄軍渡河南向齊西南

入魯界飲酒高會非入齊之路義雖知逆子

曲

由宋州安陽理順然向鉅鹿甚遠不能數

紀章邯甬道及持三日糧至也均之二理安

陽

送子至元鹽為長濟河絕甬道持三日糧

寧有遲留史家多項羽曰吾聞秦軍圍趙王

不

委曲說之也項羽曰吾聞秦軍圍趙王

鉅鹿疾引兵渡河楚擊其外趙應其內破秦

軍必矣宋義曰不然夫搏牛之蝱之可以破

蟻

蝱如淳曰用力多而不可以破蟻蝱猶言

隱曰韋昭云蝱大在外蚋小在內故顏師古

言

以手擊牛可以殺其上蝱而不能破其內